

ՍՈՎԵՏԱԿԱՆ ԻՇԽԱՆՈՒԹՅԱՆ ԱՌԱՋԻՆ ՄԻՋՈՑԱՌՈՒՄՆԵՐԸ
ՈՐԻՔ ԵՎ ԱՆԱՊԱՍՏԱՆ ՀԱՅ ԵՐԵՒԱՆԵՐԻ ԽՆԱՄՔԻ
ԵՎ ԴԱՍՏԻԱՐԱԿՈՒԹՅԱՆ ՈՒՂՂՈՒԹՅԱՄԲ

ԷԴՈՒԱՐԴ ՎԱՐԴԱՆՅԱՆ

XIX դ. վերջերից սկսած և մասնավորապես առաջին համաշխարհային սլատերազմի տարիներին հայ ժողովրդի արևմտյան հատվածի դրությունը ավելի ծանրացավ: 1914—1915 թթ. Ռուսական իշխանություններն իրականացրին վաղօրոք մշակված իրենց հրեշավոր պլանները՝ մասսայաբար բնաջնջելով արևմտահայությանը: Օսմանյան կառավարության բռնակալական քաղաքականությունը բխում էր ռասայական խտրականությունից, Թուրքիայում ապրող այլազգիների վրա իրենց հեգեմոնիստական տիրապետությունը հաստատելու ձգտումներից: Ամենից շատ և անասելի չափերով տուժեցին հայերը: 1915 թ. ամայացավ ողջ Արևմտահայաստանը, սրի քաշվեց մեր ժողովրդի մի հսկայական զանգվածը: Կենդանի մնացածները բռնեցին գաղթի ճանապարհը՝ դեպի Արևելյան Հայաստան ու ռուսական հյուրընկալ հողը: Արևմտահայության զգալի մասը քշվեց արաբական անապատները: Սակայն այստեղ էլ սնոթեան մնացած բազմահազար աքսորյալները հանգիստ չունեին: Թուրքիայի ներքին գործերի մինիստր Թալեաթը Հալեպի և հարևան շրջանների կուսակալներից շարունակ պահանջում էր բոլոր միջոցներով ոչնչացնել Հալեպում և հարևան շրջաններում ապաստանած հայերին: Համեմատաբար բարվոք էր Արևելյան Հայաստանի, Ռուսաստանի և Անդրկովկասի հայաշատ վայրերը գաղթած արևմտահայության կյանքի ու ֆիզիկական գոյության ապահովությունը: Սովետական Հայաստանում և Ռուսաստանի գաղթօջախներում ապաստանած հարյուր-հազարավոր հայերի համար ոչ միայն ապրելու, այլև հոգևոր վերածննդի լայն հնարավորություններ ստեղծվեցին:

Գաղթական արևմտահայության հոծ զանգվածները բնակություն հաստատեցին էջմիածնում, Ղամարլուում, Սարդարապատում, Աշտարակում, Երեվանում, Ալեքսանդրապոլում և Անդրկովկասի ու Ռուսաստանի հայկական պաղթօջախներում՝ Թբիլիսիում, Բաթումում, Յալթայում, Արմավիրում, Աբխազիայում, Հյուսիսային Կովկասում և այլուր: Գաղթական հայերին, մասնավորապես տարափոխիկ հիվանդություններով վարակված, հյուծախտից տառապող հարյուր-հազարավոր անչափահասներին օգնության ձեռք մեկնեց նորաստեղծ Սովետական Ռուսաստանի կառավարությունը, անձամբ Վ. Ի. Լենինը: Պրոլետարիատի առաջնորդը հայ գաղթականների փրկության և

1 Ջ. Ս. Կիրակոսյան, Առաջին համաշխարհային պատերազմը և արևմտահայությունը, Երևան, 1967, էջ 385—391:

ներանց նյութական ապահովության գործը համարում էր պետական ու քաղաքական նշանակություն ունեցող կարևոր խնդիր։ Այդ նպատակով Սովետական Ռուսաստանի կառավարությունը 1917 թ. դեկտեմբերին ազգությունների գործերի ժողովրդական կոմիսարիատի կազմում ստեղծեց Հայկական գործերի կոմիսարիատ, որի կոմիսար նշանակվեց պետական ակադեմիկոս գործիչ Վ. Ավանեսովը, իսկ տեղակալ՝ հայ մեծատաղանդ բանաստեղծ Վ. Տերյանը։

Դժվարին խնդիր էր տասնյակ ու տասնյակ հազարավոր որբ ու անօթեան անչափահասներին ֆիզիկական կործանումից փրկելու և դաստիարակելու գործը։ Հեշտ չէր այդ խնդրի իրականացումը մասնավորապես Հայաստանում սովետական կարգերի հաստատման օրերին և 1921—1922 թթ., երբ սովետական իշխանությունը ժառանգել էր լիակատար քայքայված տնտեսություն, տասնյակ ու հարյուր-հազարավոր սովալլուկ որբեր։ Անհրաժեշտ էր անհապաղ հավաքագրել կյանքի շիտակ ուղուց շեղված անչափահասներին, նրանց տեղավորել մանկական հիմնարկներում՝ միաժամանակ կազմակերպելով նրանց ուսման ու դաստիարակության գործը։ Այդ գործում Հայաստանի կառավարությունը մեծ աջակցություն և օգնություն ցույց տվեց Սովետական Ռուսաստանի կառավարությունը։ Հաշվի առնելով Հյուսիսային Կովկասում, Դոնեցկի ավազանում, Պովոլժիեում, Ղրիմում, Աստրախանում, Արմավիրում, Կրասնոդարում, Դոնի Ռոստովում ու նրա մերձակայքում, ինչպես նաև Ուկրաինայի ու Միջին Ասիայի մի շարք թնակավայրերում ապաստան գտած գաղթական հայերի տնտեսական ծանր դրությունը, Վ. Ի. Լենինի հանձնարարությամբ Հայկական գործերի կոմիսար Վ. Ավանեսովը ՌՍՖՍՀ Ժողկոմխորհին միջնորդագիր է ներկայացնում Արևմտյան Հայաստանից փախած հայ գաղթականներին նյութական օգնություն ցույց տալու մասին։ Ժողկոմխորհի նիստում հայ գաղթականներին վեց միլիոն ռուբլի օգնություն տրամադրելու մասին Վ. Ի. Լենինի առաջարկությունն ընդունվում է մեծ խանդավառությամբ²։ Ժողկոմխորհը միաժամանակ հանձնարարում է Վ. Ավանեսովին՝ պետական պատշաճ հսկողությամբ հետևելու, որպեսզի այդ գումարը ծառայի որբ ու անապաստան անչափահասների հավաքագրման, տեղավորման և նրանց ուսման ու կրթության նպատակին։

1918 թ. հունիսի 28-ին Հայկական գործերի կոմիսարի տեղակալ Վ. Տերյանը Վ. Ի. Լենինի հանձնարարականով մեկնում է Հյուսիսային Կովկաս՝ իր հետ տանելով երկրամասում ապաստան գտած հայ գաղթականներին Սովետական Ռուսաստանի կողմից հատկացված երկու միլիոն ռուբլի դրամը, մեծ քանակությամբ հագուստ, դեղորայք, գրականություն, ուսումնա-գրենական պիտույքներ և այլն։ Վ. Տերյանի անմիջական օգնությամբ ու նրա ցուցումներով 1919—1920 թթ. Ռուսաստանի, Ուկրաինայի, Միջին Ասիայի և Հյուսիսային Կովկասի հայ գաղթօջախներում բացվում են դպրոցներ, մանկատներ, արհեստագործական ուսումնարաններ, հավաքագրվում են մի քանի հարյուր անապաստան որբ պատանիներ ու աղջիկներ, որոնք տեղավորվում են նոր կազմակերպված մանկական հիմնարկներում և դպրոցներում։

2 Ս. Ալիխանյան, Վահան Տերյանի պետական գործունեությունը, Երևան, 1956, էջ 129—131։

1919—1921 թթ. ընթացքում կազմակերպվում են նաև մի շարք մանկական աշխատանքային-դաստիարակչական գաղութներ, որտեղ տեղավորվում և դաստիարակվում են ծնողական հոգացողությունից զրկված և գրեթե օրինազանց դարձած հարյուրավոր պատանիներ ու աղջիկներ³։ Ըստ ամենայնի բարձր դնահատելով Ռուսաստանի սովետական կառավարության և անձամբ Վ. Ի. Լենինի հոգատարությունը, Ռուսաստանի գաղթօջախներում ապաստան գտած հայերը ողջունի հեռագիր են ուղարկում պրոլետարիատի մեծ առաջնորդին՝ արտահայտելով իրենց երախտագիտությունը։ Հայաստանում սովետական կարգերի հաստատման առթիվ 1920 թ. նոյեմբերի 30-ին առաջնորդին նույնպիսի հեռագիր են հղում նաև էջմիածնում ապաստանած հայ գաղթականները։ Վ. Ի. Լենինին երախտի խոսքեր հղելուց բացի, նրանք բուռն ցանկություն ևին հայտնում, որ Հայաստանի և Ռուսաստանի խորհրդային հանրապետությունների միջև տնտեսական և մշակութային կապեր հաստատվեն ու ամրապնդվեն⁴։ Ռուսաստանի սովետական կառավարությանը և անձամբ սիրելի առաջնորդ Վ. Ի. Լենինին իրենց երախտագիտության խոսքն էին ուղղում Սովետական Հայաստանի պատանի քաղաքացիները, որոնցից շատերը օթևանադուրկ որբեր էին, որ հրաշքով փրկվել և խարիսխ էին գցել Արևելյան Հայաստանում։ Ահա թե ինչ էին գրում Երևանի գավառի Վ. Ի. Լենինի անվան օդակի սաները՝ մեծ առաջնորդին ուղղված նամակում. «Թանկագին ուսուցիչ ընկեր Լենին, ուղարկում ենք այս երկտողը Ձեզ, նպատակ ունենալով նախ միմյանց հետ կապ հաստատելու և տեղեկանալու համար Ձեր դրության մասին, Ամենից շատ մեզ հետաքրքրում է Ձեր առողջությունը, որը մեզ համար փրատապ խնդիր է դարձել և որի մասին ըոպե առ ըոպե սպասում ենք, այսինքն՝ Ձեր վերջնական առողջության։ Դուք վստահ հավատացած եղեք մնացյալ հեղափոխական բոլոր գործերի համար, որ մենք Ձեզ համարում ենք մեր ամենաառաջնակարգ ուսուցիչ և մեր ամեն մի արած քայլը գծում ենք այն ուղիով, որով Դուք ժամանակի ընթացքում ընթացել եք՝ հերոսաբար մարտնչելով ամեն մի արգելքի դեմ։ Ու մեր արած քայլերը օրըստօրե ավելի տոկուն ու վստահ կերպով ենք կատարում՝ կանգ չառնելով ոչ մի խոչընդոտի առաջ։

Վստահ հավատացած եղեք նաև այն բանին, որ մենք մեր ժրաջան ու անդուլ աշխատանքով ապագայում կիրագործենք այն բոլոր վեհ և պանծալի օգտումներն ու պարտականությունները, որ գրված են մեր վրա, և այդպիսով մենք կհասնենք մեր գաղափարների վերջնական իրագործմանը։

Վերջացնելով մեր փոքրիկ նամակը, ցանկանում ենք Ձեզ շուտափույթ առողջություն և երջանիկ օրեր՝ գալիք համաշխարհային հեղափոխությունը իրագործած տեսնելու և ղեկավարելու համար։

Սպասում ենք Ձեր շուտափույթ պատասխանին։

Թանկագին բարեկեցիկ Ձեր փոքրիկ և գիտակից ընկերներ։

2 նոյեմբերի 1923 թ., Երևան⁵։

³ Վ ա հ ա ն Տ եր յ ա ն, Երկերի ժողովածու, հ. 3, Երևան, 1963, էջ 498—512։

⁴ ЦГАОР Арм. ССР, ф. 4/114, оп. 1, д. 35, л. 34 и ф. 40/113, оп. 3, д. 22, л. 108, 104.

⁵ Государственный музей революции Арм. ССР, Письмо Ленину от юнжомов звена имени Ленина Ереванского уезда 2/XI 1923 г., № 5639, инв. 22092.

Սովետական իշխանության հաստատման հենց առաջին օրվանից անապաստան ու փախստական որբերի կրթության ու դաստիարակության, նրանց առողջական վիճակը բարելավելու գործը հայտարարվում է համապետական նշանակություն ունեցող խնդիր, որի իրականացմամբ դրադվում էին նաև հանրապետության ներքին գործերի, սոցիալական ապահովության, առողջապահության ժողովրդական կոմիսարիատները, ինչպես նաև կուսակցական, սովետական և հասարակական կադմակերպություններն ու նրանց համասլատախան բաժինները։ Նախ որբերի առողջության վերականգնում, ապա ուսման ու կրթադաստիարակչական գործի բարելավում, քանի որ հյուծված, ֆիզիկապես քայքայված պատանիներն ու աղջիկները սոսկ կարող լին միայն կազդուրվելուց, ուժերը վերականգնելուց հետո. ահա այս խնդրի իրականացման էին ուղղված 1922—1924 թթ. մանկական հիմնարկների մասին Սովետական Հայաստանի կառավարության ընդունած բազմաթիվ որոշումներն ու հրահանգները⁶։ Դրանց նպատակը մեկն էր՝ արմատապես բարելավել մանկական հիմնարկների և առաջին հերթին մանկատների աշխատանքը, քանի որ, ինչպես ասված էր հանրապետության լուսժողկոմատի 1921 թ. մայիսի 1-ի զեկուցագրում, դրությունը աննախանձելի էր։ Այդ զեկուցագրում լուսժողկոմատի սոցդաստիարակության ենթաբաժնի վարիչ Պ. Հանեսօղլյանը գրում էր. «Նկատի ունենալով Հայհեղկոմի որոշումը, ըստ որի որբանոցների կրթական գործը վերապահվում է լուսժողկոմին, ես շրջիջի էջմիածնի գավառի որբանոցները (Աշտարակում, Օշականում, Վաղարշապատում)։ Տեղեկությունները և տպավորությունները բերեցին այն եզրակացության, որ կրթադաստիարակչական գործը կարելի է դնել հնարավոր բարձրության վրա միայն այն դեպքում, երբ որբերի սննդառությունը և հագուստը, որբանոցների կահավորումը կբավարարեն առողջապահության ամենատարրական պահանջներին, այնինչ հենց այդ կողմով որբանոցները, մանավանդ վերջին պարենային կրիզիսի շնորհիվ, շատ են տուժում։ Ինձ հայտնեցին, որ վերջին օրերս սովի շնորհիվ որբանոցներում, մանավանդ էջմիածնում, սկսվել է որբերի մասսայական փախուստ։ Ուստի և դիմելով ձեզ, խնդրում եմ պարզել՝ հնարավոր չէ՞ արդյոք Հայհեղկոմում հարց հարուցել՝ որբանոցների կարիքները բավարարելու, առաջին հերթին համարելով այն հարվածային խնդիր»⁷։ Մանկական հիմնարկների գործունեության, անչափահաս որբերի ու անապաստանների կյանքի ապահովության, կրթադաստիարակչական գործի բարելավման վերաբերյալ ոչ մի ահազանգ անհետևանք չէր մնում։ ՀՀ(Բ)Կ Կենտկոմը և Հայաստանի կառավարությունը 1923—1924 թթ. ավելի հետևողական միջոցառումներ են ձեռնարկում։ Այսպես, Հայաստանի ժողկոմխորհը 1923 թ. հուլիսի 5-ի որոշմամբ առողջապահության ժողկոմատին պարտավորեցնում է ձրի բժշկական օգնություն ցույց տալ մանկական հիմնարկներում տեղավորված հիվանդ երեխաներին։ Ժողկոմխորհի օգոստոսի 22-ի որոշման համաձայն մի շարք գերատեսչական շենքեր ազատվում և որպես հանրակացարան տրամադրվում են մանկատներին ու մանկական գաղութներին⁸։ Այս որոշումներն ու միջոցառումները մյուս կողմից էլ

⁶ ՀՍՍՀ 224ՊԱ, ֆ. 122, ց. 1, գ. 95, թ. 65—69, 74—79 և գ. 141, թ. 76։

⁷ Նույն տեղում, ֆ. 122, ց. 1, գ. 31, թ. 15։

⁸ Նույն տեղում, գ. 335, թ. 19։

նպատակ ունեին բարձրացնել պետական մանկատների հեղինակությունը, ավելացնել դրանց թիվը՝ նրանցում ընդգրկելով ավելի շատ կարիքավոր անչափահասներ: Այդ նպատակով 1926—1927 թթ. Երևանից, Լենինականից և Էջմիածնից բացի նոր մանկատներ բացվեցին նաև Ղամարլուում, Հոկտեմբերյանում, Նոր Բայազետում, Դիլիջանում, Գորիսում և այլուր, ուր ամերիկյան որբանոցներից տեղափոխվում էին հարյուրավոր սաներ:

Սկսած 1926—1927 թթ. Սովետական Հայաստանում աստիճանաբար տնտեսապես թուլանում են ամերիկյան որբանոցները և ավելի մեծ հեղինակություն են ձեռք բերում պետական մանկատները: Գնալով ամրապնդվում էր վերջիններիս նյութատնտեսական բազան, ավելի էին կատարելագործվում դաստիարակչական աշխատանքի ձևերը, հարստանում էին լաբորատոր սարքավորումները: Այդ պատճառով էլ հարյուրավոր պատանիներ ու աղքիկներ ամերիկյան որբանոցներից փախչում էին պետական մանկատներ՝ խնդրելով իրենց տեղավորել այնտեղ:

Թվում էր, թե թուրքական վանդալների սրից հրաշքով ազատված հազարավոր հայ որբերի կյանքը փրկված է: Ծիշտ է, մոտ 10 հազար որբերի կյանքը, իրոք, փրկված էր, սակայն 1921—1922 թթ. այդքան որբեր էլ տակավին թափառում էին Հայաստանի գյուղերում ու քաղաքներում⁹, Հարկավոր էր անհապաղ հավաքագրել նրանց, մինչև վերջին անօթեվան ու անապաստան որբին տեղավորել մանկական որևէ հիմնարկում: Բայց քանի որ Երևանում, Լենինականում և Էջմիածնում արդեն իսկ կազմակերպված էին մի քանի մանկատներ, մանկական այլ հիմնարկներ և այլևս հնարավոր չէր ալդ վայրերում նորերի բացումը, ուստի հանրապետության կառավարությունը 1923 թ. հունիսի 24-ին որոշում է նոր մանկատներ, մանկական աշխատանքային զաղութներ ու գյուղատնտեսական կոմունաներ ստեղծել հատկապես հողագործական և անասնապահական շրջաններում՝ դրանց կից կազմակերպված արհեստանոցներին տալով գյուղատնտեսական թերում՝ դյուլմեխանիզացիայի մասնագիտությամբ¹⁰:

Ինչպես Հայաստանի պետական և ամերիկյան մանկատներում, այնպես էլ արդարադատության ժողկոմատի սիստեմի աշխատանքային դաստիարակչական գաղութներում հասկանալի պատճառներով անհամեմատ դժվար էր աղքիկների դաստիարակության և աշխատանքային մասնագիտացման գործի կազմակերպումը: Առանձին մանկական հիմնարկներին կից գործող կարի մանր արհեստանոցները, բնականաբար, չէին կարող բավարարել այդ շրջանում Հայաստանի տարածքում գտնվող մոտ 6000 անապաստան ու որբ աղքիկների մասնագիտացման և աշխատանքային դաստիարակության պահանջները: Այդ խնդրի իրականացումը հնարավոր էր արդյունաբերական ձեռնարկությունների ստեղծմանը զուգընթաց: Օրինակ, Լենինականում Մայիսյան ապստամբության անվան տեքստիլ կոմբինատի հենց գործարկման առաջին օրվանից այնտեղ աշխատանքի անցան մի քանի հարյուր որբ աղքիկներ¹¹:

⁹ Նույն տեղում, ֆ. 48, ց. 1, գ. 365, թ. 23:

¹⁰ Նույն տեղում, գ. 294, թ. 28:

¹¹ Մեծ հրդեհի Հայաստան: Հինգ տարի (1920—1925)», վիճակագրական ժողովածու, Երևան, 1926 և «ՀՍՍՀ դեկրետների և հրամանների ժողովածու», պրակ 1, Էջմիածին, 1921, էջ 20—26:

ՀԿ(Բ)Կ Կենտկոմի և հանրապետության կառավարության ձեռնարկած միջոցառումների նպատակը սոսկ որբերի, անօթևան ու անապաստան անչափահասների ֆիզիկական գոյության ապահովությունը չէր, այլ նաև նրանց հոգևոր վերածնունդը, կուլտուրական ու կրթադաստիարակչական մակարդակի բարձրացումը: Այսօրինակ միջոցառումը նաև հնարավորություն կստեղծեր, նոր ձևավորվող սոցիալական հարաբերություններին համապատասխան, սոցիալիստական շինարարության համար պատրաստել մասնագետներ, սովետական իշխանությանը նվիրված անձնվեր մարդիկ: Այս նպատակով տակավին 1921 թ. ապրիլին Հայաստանի հեղափոխական կոմիտեն որոշում էր ընդունել որբանոցների կրթադաստիարակչական գործը հանրապետության լուստոգղկոմատին վերապահելու մասին¹²: Նույն որոշմամբ ինչպես մյուս բոլոր գերատեսչություններին ու կազմակերպություններին, այնպես էլ երկաթուղային վարչությանը կից դպրոցներն ու մանկատունը նույնպես անցնում էին լուստոգղկոմատի տրամադրության տակ: Անհրաժեշտ էր կտրուկ միջոցների ձեռնարկմամբ որոշակիորեն բարելավել երկաթուղային կրթադաստիարակչական մանկական հիմնարկների դրությունը¹³: Միաժամանակ որոշում¹⁴ էր ընդունվել լուսավորության և արդարագատության ժողովատնների սիստեմում ստեղծել համապատասխան բաժիններ, որոնք պետք է իրականացնեին մանկական ուղղիչ աշխատանքային հիմնարկների ղեկավարությունը¹⁵:

1924 թ. սկսած Հայաստանի մի շարք շրջաններում կազմակերպվում են մանկական կոմունաներ, իսկ 1929—1930 թթ.՝ մանկական հիմնադրանոցներ, ամբուլատորիաներ ու պոլիկլինիկաներ, որոնք բժշկական ձրի օգնություն են ցույց տալիս արևմտահայ որբերին և մանկական հիմնարկներում տեղավորված անապաստան անչափահասներին¹⁶: Մանկական կոմունաներում տեղավորված անչափահասներն աշխատում էին կոմունայի տնտեսությունում, որտեղից ստացված եկամուտները ծախսվում էին նրանց նյութական պայմանների բարելավման նպատակով¹⁷: 16 տարին լրացած անչափահասները, կոմունայից ստանալով ձրի հագուստ և կոշիկ, տեղափոխվում էին համապատասխան հիմնարկ-ձեռնարկություն և աշխատանքի անցնում այնտեղ¹⁸:

Ինչպես կոմունաներին, այնպես էլ պետական մանկատներին ու մանկական դաստիարակչական գաղութներին կից կազմակերպվել էին արտադրամասեր, արհեստանոցներ ու փորձնական հողամասեր: Դրանց բազայի վրա հետագայում ստեղծվեցին հանրապետության արհեստագործական մի շարք ուսումնարաններ: Այսպես, օրինակ, 1924 թ. Ալավերդում հիմնված մանկատանը կից կազմակերպվեց մեխանիկական արհեստանոց՝ նկատի ունենալով

¹² Նույն տեղում:

¹³ ՀՍՍՀ ՀՀԿՊԱ, ֆ. 122, ց. 1, գ. 76, թ. 35:

¹⁴ Նույն տեղում, գ. 145, թ. 2:

¹⁵ Հատկապես մեծ դեր են խաղացել արդժողկոմատին կից գործող անչափահասների գործերը քննող և վերահսկող հանձնաժողովները, որոնք վերահսկողություն էին իրականացնում թե՛ միլիցիայի և թե՛ դատարանների վրա: Դրանք կազմակերպվել էին ՀՍՍՀ Ժողկոմխորհի 1921 թ. հուլիսի 3-ի դեկրետի հիման վրա:

¹⁶ ՀՍՍՀ ՀՀԿՊԱ, ֆ. 122, ց. 1, գ. 357, թ. 65:

¹⁷ Նույն տեղում, գ. 342, թ. 1—2:

¹⁸ Հայաստանի մանկական կոմունաները հիմնականում գյուղատնտեսական թերթում ունեին:

պղնձաձուլական կոմբինատի զարգացման հեռանկարները: 1924 թ. վերջերին Երևանի երկու մանկատներին կից կազմակերպվեցին պոլիգրաֆիական արտադրամասեր, ուր մոտ 200 պատանիներ ու աղջիկներ հաջողությամբ սովորում էին գրաշարություն, մամուլների հանման, տպագրության, կազմարարության մասնագիտություններ¹⁹: Դրանցից շատերը հետագայում դարձան իրենց գործի էնտուզիաստներ, հանրապետության պոլիգրաֆիական արտագրության հմուտ մասնագետներ: Նույն 1924 թ. Անդրերկաթուղու աշխատողների արհմիութենական համագումարը որոշում է ընդունում լենինականի երկաթուղային հանգույցին կից կազմակերպել պրոֆեսիոնալ-տեխնիկական ուսումնարան՝ լենինականի և Բաթումի մասնաճյուղերով: Հանրապետության տնտեսական բնագավառի աշխատողների խորհրդակցության 1925 թ. փետրվարի 20-ի որոշմամբ կազմակերպվում են մանկական գյուղատնտեսական արհեստանոցներ, որոնցում ընդգրկված երեխաները պետք է աշխատեն և ապրեն ճիշդ ուրույն գոյության միջոցներով՝ առանց պետական մշտական օգնության²⁰: Այդ որոշման համաձայն Երևանում կազմակերպվում են մեխանիկական, ատաղձագործական և կարի արհեստանոցներ՝ իրենց գավառային մասնաճյուղերով, որոնցում ընդգրկված էին 16—18 տարեկան մոտ 700 երկսեռ որբեր²¹: Խորհրդակցությունը խնդրագիր-միջնորդագիր է ներկայացնում հանրապետության կառավարությանը՝ այդ նպատակի համար հատկացնելու 30 հազար ռուբլի և շահագրգռելու համապատասխան նախագծային կազմակերպությունների՝ հասարակական հիմունքներով իրականացնելու պրոֆտեխնիկական ուսումնարանների և մանկական հիմնարկների համար կառուցվելիք շենքերի նախագծման աշխատանքները²²: Այս ամենը, հասկանալի է, հետապնդում էր մի նպատակ՝ հանրապետության հարյուր-հազարավոր որբ ու անապատան անչափահասների նյութական կյանքի բարելավման հետ մեկտեղ. բարձր հիմքերի վրա դնել նրանց աշխատանքային և կրթական մասնագիտական կողմնորոշումը, մտնական հիմնարկների սաների պոլիտեխնիկական ուսուցման կարևոր գործը:

1926—1927 թթ. սփյուռքից մայր հայրենիք հայության ներգաղթը հրամայաբար պահանջում էր կրթական օջախների, մտնական հիմնարկների, ինչպես նաև մանկավարժական բնագավառի աշխատողների թվի շեշտակի ավելացում, ուսումնական ձեռնարկների, դասագրքերի հրատարակման և ուսումնագրենական պիտույքների մասսայական արտադրության ընդլայնում:

Հայաստանի կոմկուսի Կենտկոմին և հանրապետության կառավարությանը հավասարապես մտահոգում էին Հյուսիսային Կովկասում, Արմավիրում, Կրասնոդարի երկրամասում, Աստրախանում, Անդրկովկասի և Միջին Ասիայի տարբեր շրջաններում ապաստան գտած հայերի կարիքները, նրանց զավակների ուսման ու դաստիարակության գործի կազմակերպումը: Այս նպատակով ձեռնարկվեցին մի շարք միջոցառումներ՝ հավաքագրելու Աստրախանի, Յալթայի, Նովի Աֆոնի, Կերչի, Ղրիմի, Կիսլովոդսկի, Թբիլիսիի, Բաքվի, Աշ-

¹⁹ Սևորճրային Հայաստան: Հինգ տարի (1920—1925 թթ.)», վիճակագրական ժողովածու, էջ 300—305:

²⁰ ՀՍՍՀ 2240Ա, ֆ. 48, ց. 1, գ. 365, թ. 297:

²¹ Նույն տեղում:

²² Նույն տեղում:

խաբադի, Մարիի և Հայաշատ այլ վայրերի անապատան հայ որբուկներին. նրանց տեղավորելու մանկական հիմնարկներում, կազմակերպելու նրանց ուսման, դաստիարակության և մասնագիտական որակավորման գործը: Կարևոր և առաջնակարգ նշանակություն ունեցող այս խնդիրը հիմնականում իրականացվեց երկու ձևով. Սովետական Հայաստանից դուրս, տարբեր վայրերում ապաստանած որբերի մի մասը տեղափոխվեց հանրապետության մանկական հիմնարկները՝ մանկատներն ու աշխատանքային դաստիարակչական գաղութները, իսկ մի մասի համար հենց տեղում՝ նշված վայրերում կազմակերպվում են մանկական հիմնարկներ: Այսպես, օրինակ, 1922 թ. Կիսլովոդսկում ապաստանած մի քանի հարյուր հայ որբերի համար կազմակերպվում է մանկատուն, ուր սկզբնական շրջանում տեղավորվում են 4—14 տարեկան մոտ 200 որբեր²³:

1922 թ. մարտի 27-ի № 1456 գրությամբ Վրաստանի՝ Թուրքիայից գաղթած և մերձսևծովյան շրջաններում ապաստանած հայերի գործերի կառավարչությունը Հայաստանի կոմկուսի Կենտկոմին խնդրում է հոգալու Կիսլովոդսկի մանկատան կարիքները՝ այնտեղ գործուղելով մանկավարժ-դաստիարակներ կամ էլ հնարավորության դեպքում այդ մանկատունը տեղափոխելու Հայաստան: Հայաստանի Կ(Բ)Կ Կենտկոմը և կառավարությունը միջոցներ են տրամադրում ինչպես Կիսլովոդսկի 2-րդ հայկական մանկատունը, այնպես էլ Պյատիգորսկում և Աստրախանում հավաքագրված որբ ու անապատան հայ երեխաներին Սովետական Հայաստան տեղափոխելու համար:

Մեծ թվով գաղթահայեր ապաստան էին գտել նաև Ղրիմում, ուր լուսժողովմատի տեղական օրգանների հոգատար վերաբերմունքի շնորհիվ հավաքագրվել էին մի քանի հարյուր որբ երեխաներ և տեղավորվել մանկատներում ու մանկական բնույթի այլ հիմնարկներում: Ծիշտ է, այստեղ հնարավորին չափ նյութական բավարար պայմաններ էին ստեղծված անչափահաս որբերի համար, սակայն ընդհանուր առմամբ մանկատունը կանգնած էր լուրջ դժվարությունների առաջ. չկային դասագրքեր, ծրագրեր, ուսումնական պլաններ, տակավի էր մանկավարժական կադրերի թիվը: Սովետական Հայաստանի կառավարությունը 1922 թ. աշնանը, որպես օգնություն, Ղրիմի հայկական մանկատան համար ուղարկում է հազար ռուբլի (ոսկով), ինչպես նաև դասագրքեր, ուսումնա-օժանդակ ձեռնարկներ, գրենական պիտույքներ²⁴: Դա, ինչպես գրում է Ղրիմի լուսժողովմատի այն ժամանակվա տեղակալ Գ. Մուխոմիդինովը, իր տարաբախտ ժողովրդի անօթևան մնացած զավակների նկատմամբ Սովետական Հայաստանի կառավարության և բոլշևիկների կուսակցության հոգատար վերաբերմունքի վառ ու անկեղծ արտահայտությունն էր²⁵:

Հաշվի առնելով առաջին համաշխարհային պատերազմից և քաղաքացիական կռիվներից հետո երկրում ստեղծված լուրջ դժվարությունները և անչափահասների անապատանության իսպառ վերացման խնդրի կարևորու-

²³ Նույն տեղում, ֆ. 122, ց. 1, գ. 76, թ. 60:

²⁴ Նույն տեղում: Ի դեպ, ինչպես նշված է որոշման մեջ, լուսժողովմատի սուղ միջոցների պատճառով այդ մանկատան և, առհասարակ, Ղրիմի անապատան երեխաներին Հայաստան տեղափոխելու ծախսերը հանրապետության Ժողովմատից վերցնում է իր վրա:

²⁵ Նույն տեղում, գ. 112, թ. 1:

թյունը, ինչպես նաև նրանց կրթության գործի կազմակերպման տակավին ոչ բավարար մակարդակը, 1923 թ. դեկտեմբերի 5-ին հրավիրվում է միութենական և ինքնավար հանրապետությունների լուսժողովատնների պատասխանատու աշխատողների խորհրդակցություն՝ նվիրված անչափահասների և անապաստան որբերի հսկողության, նրանց ուսման ու դաստիարակության գործի բարելավմանը²⁶։

Խորհրդակցությունը որոշում է.

ա) սահմանափակել մեկ միութենական կամ ինքնավար հանրապետությունից մյուս հանրապետությունը անչափահաս պատանիների ու աղքիկների ոնկվակուացիան (վերադարձը) իրենց նախկին կամ ցանկացած բնակավայրը. մասնակի վերադարձ թույլատրել ծայրահեղ դեպքում՝ համառուսաստանյան 4-րդ համագումարի որոշման համապատասխան,

բ) նպատակահարմար գտնել առանձին միութենական և ինքնավար հանրապետությունների կենտրոնական մանկական հանձնաժողովների և հիմնարկների (մանկատներ, գաղութներ, կոմունաներ և այլն) աշխատանքների կոորդինացումն ու փորձի փոխանակումը,

գ) անհրաժեշտ և անհետաձգելի համարել միութենական ու ինքնավար հանրապետությունների մանկական հիմնարկների աշխատողների խորհրդակցության հրավիրումը,

դ) խորհրդակցության ներկայացուցչական կազմը պետք է որոշվի տեղերում՝ լուսժողովատնների կողմից,

ե) խորհրդակցության օրակարգում քննարկվելիք հարցերի կարևորությունն ու նպատակահարմարությունը թողնել լուսժողովատնի և ՀԱՄԿԽ-ի մանկական հիմնարկների բաժինների հայեցողությանը,

զ) խնդրել միութենական և ինքնավար հանրապետությունների լուսժողովատններին՝ ներկայացնելու զրավոր կարծիք մանկական հանձնաժողովների համամիութենական միավորման (կոորդինացման) ձևերի ու հնարավորությունների մասին,

է) հանձնարարել ՌՍՖՍՀ մանկական հանձնաժողովի գլխավոր խորհրդին՝ միջնորդել ՀԱՄԿԽ-ի առաջ՝ հրավիրելու անչափահաս անապաստան ու անխնամ երեխաների ուսման ու դաստիարակության, նյութական ապահովության ու խնամակալության հարցերին նվիրված հերթական համագումար,

ը) խնդրել միութենական և ինքնավար հանրապետությունների տեղական կոմերիտական կազմակերպություններին՝ բոլոր ձևերով ու միջոցներով պայքար մղելու անապաստանության դեմ, օգնելու մանկատների և դաստիարակչական ուղղիչ-աշխատանքային գաղութների վարչություններին՝ ավելի նպատակասլաց դարձնելու անչափահասների շրջանում տարվող աշխատանքները²⁷։

Ի կատարումն 1923 թ. դեկտեմբերի 5-ին հրավիրված խորհրդակցության որոշումների, ինչպես նաև մանկատներում երեխաների կենցաղային պայմանները, ուսման ու դաստիարակության գործը բարելավելու և համամիութենական խորհրդակցությանը նախապատրաստվելու նպատակով 1923 թ.

²⁶ ՀՍՍՀ ՀՀԿՊԱ, ֆ. 122, ց. 1, գ. 112, թ. 174,

²⁷ Նույն տեղում, գ. 328, թ. 10:

դեկտեմբերի 25-ին Երևանի գավառապետի սոցիալական դաստիարակության բաժինը հրավիրում է մայրաքաղաքի որբանոցների, մանկատների և սննդկայանների աշխատողների միացյալ խորհրդակցություն, որտեղ քննարկվում են կրթագաստիարակչական գործի վիճակը Երևանի արտադրողական մանկական հիմնարկներում և դրա բարելավման ուղիները, մանկատների և արտադրողական մանկական մյուս հիմնարկների միացյալ խորհուրդ ստեղծելու, մանկատներում անչափահասների սննդի վիճակը բարելավելու և այլ հարցեր²⁸։ Խորհրդակցությունում, որպես հարակից հարց, քննարկվում է նաև Հայաստանում ապրող այլազգիների համար արտադրողական մանկական հիմնարկներ և դպրոցներ բացելու, ինչպես նաև դրանք դասագրքերով, օժանդակ գրականությամբ, ուսումնական պլաններով ու ծրագրերով ապահովելու խնդիրը։ Քննարկված հարցերի առթիվ ընդունվում են համապատասխան որոշումներ²⁹։

Այլազգի երեխաների մասին ընդունված որոշումը ուղարկվում է Հայաստանի կոմկուսի Կենտկոմ։ Վերջինիս 1924 թ. մայիսի 3-ի № 1699 գրության մեջ ասված էր, որ Իջևանի և Ղաղախ-Շամշադինի շրջանների մուսուլմանական անկուսակցական գյուղացիության առաջին կոնֆերանսի պատգամավորների խնդրանքը հարգված է և հանձնարարված է լուսավորության և սոցիալական ապահովության ժողկոմատներին՝ Իջևանում շրջանի և հարևան գյուղերի այլազգիների անապաստան անչափահասների համար բացել մանկատուն³⁰։ Բացի այդ, լուսժողկոմատի և սոցիալական ապահովության ժողկոմատի 1923 թ. մարտի 24—26-ը տեղի ունեցած միացյալ կոլեգիայի ընդլայնված նիստում որոշում է ընդունվում Հայաստանի մուսուլմանական դպրոցների համար ուսումնական ձեռնարկներ և օժանդակ գրականություն հրատարակելու մասին³¹։

1923 թ. հոկտեմբերի 16-ին հանրապետության լուսժողկոմ Ա. Մռավյանի նախաձեռնությամբ որոշում է ընդունվում հավաքագրված 17 եզդի անապաստան երեխաներին տեղավորել Ալազյաղի մանկատանը, որտեղ այդ խմբի ուսուցումը պետք է տարվեր մայրենի լեզվով³²։

Ինչպես ասացինք, որոշվել էր բացի Երևանից, Լենինականից և Էջմիածնից նոր մանկատներ կազմակերպել գերազանցապես գավառներում³³։ 1924 թ. սկսած, Երևանից և Էջմիածնից բացի մանկատներ են բացվում Զվարթնոցում, Օշականում, Թաքիայում (Բազմաղբյուր)՝ Աշտարակի շրջանում, Ղամարլուում, Զոհրաբլուում, Դվինում և Ներքին Աղբաշում (Արտաշատի շրջան), Նոր Բայազետում և Գորիսում։ Մանկատներից բացի Երևանում գործում էին պատկոմական շտաբ, կենտրոնական արհեստանոց-դպրոցը և այլ հիմնարկներ³⁴։ Բոլոր մեծ որբանոց-մանկատներին կից գործում էին դպրոցներ։ 1924—1926 թթ. գրեթե բոլոր մանկատներին կից բացվում են դպրոցներ։

²⁸ Նույն տեղում, գ. 179, թ. 31—32։

²⁹ Նույն տեղում։

³⁰ Նույն տեղում։

³¹ Նույն տեղում, գ. 123, թ. 19։

³² Նույն տեղում, գ. 294, թ. 28։

³³ 1924 թ. Հայաստանում գործում էին 19 պետական մանկատներ, որոնցից 9-ը՝ Երևանում, իսկ 10-ը՝ Էջմիածնի գավառում (նույն տեղում)։

³⁴ Նույն տեղում, գ. 102, թ. 182—183։

1920-ական թվականներին կոստանտնուպոլսյան և սովետական կառավարության ձեռնարկած հետևողական միջոցառումները և լուսավորության բնագավառի աշխատողների հոգատար վճարարմունքը մեծապես նպաստեցին հարյուր-հազարավոր որբերի ու անօթևան անչափահասների ֆիզիկական փրկության, ուսումնառության և մասնագիտական որակավորման համապետական խոշոր կարևորություն ունեցող գործի իրականացմանը: Իրբեմնի անօթևան ու անապաստան որբերը սովետական իշխանության հոգաարության շնորհիվ փրկվեցին կործանումից, սովի ու համաճարակի ճրրաններից, դարձան մեր հանրապետության լիարժեք քաղաքացիներ, իրենց արժանի մասնաձեռնությունը բերելով Սովետական Հայաստանի տնտեսական ու կուլտուրական վերաշինության գործին:

ПЕРВЫЕ МЕРОПРИЯТИЯ СОВЕТСКОЙ ВЛАСТИ ПО УХОДУ И ВОСПИТАНИЮ АРМЯНСКИХ СИРОТ И БЕСПРИЗОРНЫХ

ЭДУАРД ВАРТАНЯН

Резюме

В результате геноцида западных армян, организованного правительством младотурок в годы первой мировой войны, сотни тысяч армянских детей оказались в положении беспризорных и круглых сирот. Значительная часть их нашла пристанище на территории Восточной Армении, Закавказья и Советской России. Сохранившиеся архивные материалы показывают ту бескорыстную помощь, которую оказывали армянским сиротам Советская Россия и лично В. И. Ленин.

В самой Советской Армении, а также в Закавказье и на территории Советской России имелись значительные накопления армянских беженцев. Здесь в 1920-ых годах были открыты детские учреждения, где армянские сироты и беспризорные нашли не только физическое спасение, но и получили профессиональное и общеобразовательное воспитание.